



Մեդիա նախաձեռնությունների կենտրոնի վերջին երկու տարիների գործունեության մասին. Իսկիրճ տեղեկանք

Կազմակերպության մասին

Մեդիա նախաձեռնությունների կենտրոնը (ՄՆԿ) Հայաստանի մեդիադաշտում աշխատում է ավելի քան 25 տարի՝ աջակցելով արտահայտման ազատությանը, հասարակության մեդիագրագիտության մակարդակի բարձրացմանը, անկախ լրատվամիջոցների կազմանն ու զարգացմանը, մասնակցելով մեդիա օրենսդրության բարելավմանը, լրագրողների իրավունքների պաշտպանությանը:

Կազմակերպության գործունեության կարևոր մաս են տարատեսակ դասընթացներն ու մասնագիտական վերապատրաստումները, դրամաշնորհային աջակցությունը անկախ լրատվամիջոցներին ու լրագրողներին, մեդիա արտադրությունը, հետազոտությունն ու կրթական ռեսուրսների մշակումը, մեդիագրագիտության խթանումը, փաստերի ստուգումը: Media.am երկլեզու հարթակը կազմակերպության հիմնական առցանց մեդիա ռեսուրսն է, իսկ mediainitiatives.am –ը կազմակերպության կայքն է, որտեղ առավել մանրամասն տեղեկություններ կարելի է գտնել առաքելության, անձնակազմի, ծրագրերի մասին:

Մեդիագրագիտության զարգացմանն ուղղված ծրագրեր և գործողություններ

ՄՆԿ-ն 2013 թվականից ակտիվորեն զբաղվում է մեդիագրագիտության տարածմամբ Հայաստանում՝ համագործակցելով ԿԳՄՄ-ի, դպրոցների և բուհերի, գրադարանների և ոչ ֆորմալ կրթությամբ զբաղվող կազմակերպությունների հետ, ստեղծելով և տարածելով կրթական ռեսուրսներ՝ դպրոցական ձեռնարկ, խաղեր, վերլուծություններ ու տեսանյութեր, որոնք հասանելի են media.am կայքում:

2017 թվականին ՄՆԿ-ն և ԿԳՄՄ-ն համագործակցության հուշագիր են ստորագրել, որով ամրագրվել է կողմերի պատրաստակամությունը՝ համագործակցելու ՀՀ կրթական դաշտում մեդիագրագիտությունը տարածելու ուղղությամբ: Նույն թվականին ՄՆԿ-ն արժանացել է ՅՈՒՆԵՍԿՕ-ին կից գործող



GAPMIL դաշինքի առաջին մրցանակին՝ մեդիագրագիտության տարածման գործում ներդրած ջանքերի համար:

10 տարիների ընթացքում ՄՆԿ-ն վերապատրաստել է մոտ 1000 ուսուցիչների, դասընթացավարների, գրադարանավարների, փոքր դրամաշնորհի է տրամադրել մոտ 30 դպրոցների՝ մեդիագրագիտության խմբակներ հիմնելու համար, մշակել է ձեռնարկներ, ստեղծել կրթական համակարգչային խաղեր («Ցանցառ», «Մեդիամարտ», «Լիտերատուսի արկածները»), տեսանյութեր: Վերջին մի քանի տարիներին ՄՆԿ օգնությամբ մեդիագրագիտության խմբակներ են գործում մարզային Ինֆոտներում, ՔՈԱՖ կենտրոններում, Վորլդ Վիժն կազմակերպության մարզային գրասենյակներում և այլուր:

Վերապատրաստումներն ու դասընթացներն անցկացվում են ԿԳՄՍ կողմից երաշխավորված «Մեդիագրագիտություն» ձեռնարկի հիման վրա՝ մշակված ԿԱԻ մասնագետների մասնակցությամբ:

2021թ. հաստատված Նախադպրոցական կրթության և հանրակրթության պետական չափորոշիչները ներառում են Մեդիա նախաձեռնությունների կենտրոնի ներկայացրած առաջարկները, այդ թվում՝ «մեդիա և թվային կարողունակության» առկա ձևակերպումը:

Վերջին երկու տարիների գործունեությունը մեդիագրագիտության ոլորտում

Մեդիագրագիտության ոլորտում վերջին երկու տարիներին կազմակերպությունը շարունակել է ակտիվորեն աշխատել ուսուցիչների, քաղաքականություն մշակողների, քաղհասարակության գործընկերների ու լրատվամիջոցների հետ, թեև 2020 թվականին կորոնավիրուսի համավարակը, ապա նաև պատերազմը պարտադրեցին փոխել, չեղարկել, հետաձգել շատ գործողություններ ու ծրագրեր:

Միայն 2020-21 թվականին ՄՆԿ առցանց վերապատրաստումներին մասնակցել են մոտ 500 դասավանդողներ: Կազմակերպությունը տրամադրել է դրամաշնորհներ 6 ուսուցիչների, որոնք դպրոցներում անցկացնում են մեդիագրագիտության դասընթացներ:

Մեդիագրագիտության առցանց արշավները, որ սկզբում վերնագրված էին



ԴԻՄՍԿահանդես, իսկ 2020թՊպատերազմի սկսվելուց հետո՝ ԴԻՄՍԿայում ենք, ուղղված են լայն հանրությանը և մասնավորապես՝ մարզերի բնակիչներին: Արշավի գազաթնակետը մեդիագրագիտության հայաստանյան շաբաթն էՊ շաբաթն արդեն չորրորդ տարին անցկացվում է նախաարարության հետ մասին նույնմբերի առաջին օրերին՝ ներգրավելով բոլոր դպրոցներին, բուհերին, մանկապարտեզներին ու գրադարաններին, ոլորտի այլ կազմակերպությունների, լրատվամիջոցների: 2021-ին շաբաթը ներառում էր օնլայն և օֆլայն միջոցառումներ և աչքի էր ընկնում մասնակիցների առանձնակի ակտիվությամբ ու հետաքրքրվածությամբ, այս նախաձեռնությանը միացել էր նաև ՅՈՒՆԻՍԵֆ-ը:

2021-ին ՄՆԿ-ն ավարտում է հասցրել «Լիտերատուսի արկածները» փաստերի ստուգման սեղանի խաղը մշակումըՊ խաղն օգնում է բարձր դասարանցիներին տարբերել կասկածելի տեղեկություններն ու ստուգել դրանք: Ավարտին է մոտենում նաև մեդիագրագիտության «ՄԵԴԻԱ ԻԳԻՏՈՒԹՅՈՒՆ» առցանց դասընթացի մշակումը, որը անվճար և բաց կլինի բոլոր ցանկացողների համար:

ՄՆԿ-ն ակտիվորեն մասնակցել է նախադպրոցական կրթության և հանրակրթության չափորոշիչների քննարկումներին, ներկայացրել առաջարկներ, որոնք ներառվել են փաստաթղթում: Այս տարվա մայիսին կազմակերպությունը աշխատածողով է նախաձեռնել ԿԳՄՄՆ, ԿԶՆԱԿ, ԿՏԱԿ ներկայացուցիչների, կրթության այլ մասնագետների մասնակցությամբ՝ քննարկելու չափորոշիչների հաստատմանը հաջորդող քայլերը և հետագա համագործակցության հեռանկարները: Այդ աշխատողովի և հետագա հանդիպումների արդյունքներով՝ ՄՆԿ-ն առավել ակտիվացրել է աշխատանքը՝ օգնելու ուսուցիչներին ինտեգրել մեդիագրագիտությունը տարբեր առարկաների ծրագրերում: ՄՆԿ մեդիագրագիտության նոր ձեռնարկը, որ այս պահին մշակման փուլում է, դարձյալ ուղղված կլինի այդ գործին:

Մասնակցելով ատեստավորման ենթակա ուսուցիչների վերապատրաստման կազմակերպությունների ու դասընթացների մրցույթին՝ ՄՆԿ-ն, «Մասնակցային դպրոց» հիմնադրամի հետ համագործակցությամբ, անցկացրել է ուսուցիչների վերապատրաստումներ, իսկ կազմակերպության մեդիագրագիտության դասընթացը ընդգրկվել է երաշխավորված դասընթացների ցանկում:



ՄԵԴԻԱ
ՆԱԽԱԶԵՌՆԱՌԹՅՈՒՆՆԵՐԻ
ԿԵՆՏՐՈՆ

Վերջին տարիներին առավել մեծ ջանքով ու ազդեցությամբ է աշխատել ՄՄԿ Media.am կայքը և մասնավորապես՝ փաստերի ստուգման թիմը: Կորոնավիրուսային համավարակի, պատասվտումների, պատերազմի համատեքստում երկրում ակտիվացած ապատեղեկատվությունը հսկայական դաշտ են ստեղծում փաստեր ստուգողների աշխատանքի համար: Այս թիմի արած աշխատանքը, վերլուծություններն ու հետաքննություններն բացահայտում են ապատեղեկատվության աղբյուրներն ու մոտիվները, ցույց են տալիս իրական փաստերն ու դրանց հիմքերը, զգուշացնում են վտանգի մասին և հուշում են՝ թե ինչպես դրանից պաշտանվել:



ՄԵԴԻԱ ՆԱԽԱԳՐԱԳԻՏՈՒԹՅՈՒՆՆԵՐԻ ԿԵՆՏՐՈՆ

Հիմնավորում՝ հասարակական խորհրդում կազմակերպության ներգրավման աշխատանքների մասնակցության վերաբերյալ

Նախարարին կից հասարակական խորհուրդը կարևոր հարթակ է ոլորտի խնդիրները բարձրաձայնելու, լուծումներ գտնելու, համագործակցությունների հաստատման համար:

Մեդիա նախաձեռնությունների կենտրոնը տարիներ շարունակ համագործակցում է ԿԳՄՍ նախարարության (նախկինում Կրթության նախարարության) հետ՝ մեդիագրագիտության տարածման հարցում. կազմակերպությունն առաջինն է սկսել այս ուղղությամբ համակարգված աշխատանքը Հայաստանում և այսօր ունի ամենամեծ փորձն ու ռեսուրսները մեդիագրագիտության ոլորտում: 2017 թվականին ՄՆԿ-ն և նախարարությունը ստորագրել են համագործակցության հուշագիր, որ հաստատում է փոխադարձ աջակցության հանձնառությունը և պատրաստակամությունը՝ համատեղել ջանքերը մեդիագրագիտությունը կրթության մեջ ներդնելու համար:

Այսօր արդեն այդ ջանքերի արդյունքը արտացոլված է պաշտոնական փաստաթղթերում. մեդիա և ինֆորմացիոն կարողունակությունը, ասել է թե՛ մեդիագրագիտությունը, ներառված է նախադպրոցական կրթության և հանրակրթության նոր պետական չափորոշիչների մեջ:

ՄՆԿ-ն սերտորեն աշխատել ու աշխատում է Կրթության զարգացման և նորարարության ազգային կենտրոնի, նախկինում՝ Կրթության ազգային ինստիտուտի հետ. կենտրոնի մասնագետների համար անկացվել են խորացված մասնագիտական վերապատրաստումներ, ԿԶՆԱԿ/ԿԱԻ մասնագետների մասնակցությամբ մշակվել են ձեռնարկներ, այդ մասնագետները ՄՆԿ հրավերով մասնակցել են նաև արտագնա կոնֆերանսների և վերապատրաստումների մեդիագրագիտության և մեդիակրթության թեմաներով:

Մեդիա նախաձեռնությունների կենտրոնը նաև գործընկերային ամուր հարաբերություններ ունի կրթության, երիտասարդության, մշակույթի ու տեղեկատվության դաշտում գործող բազմաթիվ կազմակերպությունների հետ, միազգային գործընկերների և դոնոր կառույցների հետ, առաջնորդում ու մասնակցում է բազմաթիվ համագործակցային նախագծերի ուղղված անկախ մեդիայի կայացմանը Հայաստանում, հանրության տարբեր խմբերի,



ՄԵԴԻԱ ՆԱԽԱՁԵՌՆԱՌԹՅՈՒՆՆԵՐԻ ԿԵՆՏՐՈՆ

մասնավորապես երիտասարդության մեդիակրթությանը, մարդու իրավունքների հանրահռչակմանն ու պաշտպանությանը Հայաստանում, թանգարանների, գրադարանների նորարարական մոտեցումների զարգացմանը,

դպրոցների ու բուհերի մասնագետների վերապատրաստումներին... Կազմակերպության փորձը երիտասարդների հետ աշխատանքի, որ ներառում է թե երիտասարդական ֆիլմերի ու հաղորդումների պատրաստում, թե բազմաթիվ դասընթացներ, վերջին տարիներին նաև լրացվել է երիտասարդ բլոգերների և ինֆլուենսերների հետ թիրախային աշխատանքով՝ ոչ միայն հզորացնելով նրանց կարողությունները, այլ նաև ներգրավելով նրանց մարդու իրավունքների, մեդիագրագիտության ուղերձների տարածման գործում:

ՄՆԿ թիմը հայտնի է իր պրոֆեսիոնալիզմով և բարձր էթիկական ստանդարտներով՝ լրագրության, մեդիա արտադրության, դասավանդման, հետազոտության և մեդիագրագիտության ոլորտներում: Հասարակական խորհրդում Մեդիա նախաձեռնությունների փորձը, կարողությունները, համագործակցային կապերը արժեքավոր կլինեն կրթության, մշակույթի, երիտասարդության, նաև սպորտի ոլորտներում բազմազան հարցերի շուրջ նորարարական, ստեղծագործական մոտեցումների ու լուծումների մշակման համար, կձևավորեն ամուր կապ մեդիա դաշտի կազմակերպությունների հետ: Մասնավորապես, ՄՆԿ մեդիագրագիտության մասնագետ Լուսինե Գրիգորյանի ներգրավվածությունը այս հարթակում, ուղղակիորեն կաջակցի Հայաստանում մեդիագրագիտության տարածման ռազմավարության և արդյունավետ ծրագրերի մշակմանն ու իրականացմանը: